



IsiKolo seCawa sabaNcinane

Isihloko sesifundo: Umyezo wase-Eden

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sesikolo seCawa sabaNcinane esithi “**Umyezo waseEden**”

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	<p>Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS</p>
2.	<p>Qokelela ezi zixhobo zilandelayo ukuze uqiniseke ukuba usilungele isifundo:</p> <ul style="list-style-type: none"> • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neependulo, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela • ICatechism nakwiCatechism kwimiBuzo neMpendulo (ngokukhethekileyo kwisiqinisekiso) <p>Qaphela:</p> <p>2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa.</p> <p>2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45.</p> <p>2.3: Isifundo seseklasini ngaye (Pre-SS, SS, SS1, RI1 okanye Isiqinisekiso).</p> <p>2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.</p>
3.	<p>Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.</p>



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amanqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiKolo seCawa sabaNcinane.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).
4. Thetha kunye nomphathi webandla wesikolo seCawa okanye utitshala.



Isifundo

Isihloko seSifundo	Umyezo waseEden
Umbhalo weBhayibhile	Genesis 2
Injongo yesifundo	Abantwana bonwabile ngoxolo kunye nobudlelwane obulungileyo phakathi komntu, izilwanyana, izityalo kunye noThixo egadini yaseEden.

Isishwankathelo sesifundo:

- Emva kokuba uThixo edale izilwanyana nezityalo, kwakungekho mntu wokuzikhathalela.
- Emva koko iNkosi yawuthabatha umhlaba yenza umntu ngawo; UThixo waphefumlela umoya ophilayo emathatheni akhe, umntu waqala ukuphila. UThixo wamthiya igama elinguAdam.
- Emva koko uThixo watyala umyezo e-Eden wambeka khona uAdam. Isithiya sinemithi yeziqhamo emininzi ukuze uAdam atye kuyo. UThixo uxelela uAdam ukuba angatya kuyo yonke imithi ngaphandle komthi omnye angenako ukutya kuwo. UAdam wazi kakuhle ukuba ngowuphi umthi uThixo abhekisa kuwo.
- Izilwanyana ezahlukahlukeneyo zazikho esithiyeni kwaye uAdam wazithiya zonke amagama. Wazithiya amagama zonke iintaka nezilwanyana, kodwa ke uThixo wabona ukuba akukho zimbi ezimfaneleyo yena.
- UThixo wabona ukuba uAdam uyedwa kwaye wamenzela umfazi. Igama lakhe nguEfa.
- UAdam noEfa bahlala kumyezo waseEden kunye nazo zonke izilwanyana kunye nezityalo. Bahlala kunye ngoxolo kwaye wonke umntu wayonwabile. UThixo wavuya kakhulu akubona oku.



Sithetha ukuthini esi sifundo kuthi namhlanje?

- Wavuya kakhulu uThixo xa ebona abantu bekhathelele izilwanyana nezityalo kumyezo weEden.
- Uluntu, izilwanyana kunye nezityalo kunye noThixo baba nobudlelwane obunoxolo nokonwaba.
- Namhlanje, nathi kufuneka siyikhathalele kwaye siyikhusele indalo kaThixo ngothando. Kufuneka sihlale ngoxolo nommelwane wethu, izilwanyana kunye nezityalo. Oku kuya kumvuyisa kakhulu uThixo.

Khumbula, ukukhathalela indalo kaThixo luxanduva lwethu.

Eminye imibuzo esinokuyibuza:

1. Kwakutheni ukuze uThixo athathe isigqibo sokudala umntu?
Impendulo: Kwakungekho mntu ukhathelele izilwanyana kunye nezityalo
2. Wasebenzisa ntoni uThixo ukudala uAdam?
Impendulo: Uthuli lomhlaba
3. Ngubani onike izilwanyana neentaka amagama azo?
Impendulo: NguAdam
4. Ngubani igama lomfazi ka-Adam?
Impendulo: NguEfa



Imithandazo Yethu

Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngolunye usuku loThando noBubele baKho

Nceda sikelela umama notata uze usikelele iiNkokheli zethu nabo bonke abahlobo neentsapho

Siyathandaza ukuba sisoloko sikuxabisile nokuba sibe nokuthobela abazali bethu.

Sisikelele ukuze sibe nobubele nothando nokuba sibaphathe wonke umntu esidibana naye ngentlonipho nangobubele

Nceda usikelele isifundo sesiKolo seCawa kwaye sisoloko sikhumbula ukubulela ngokusichonga ukuba sibe ngabantwana baKhe

Sifuna ukuhlala sithembekile kwaye sithobekile kude ubuye usithabathele ekhaya kunye Nawe

Sikucela konke oku ngelihle igama laKho. Amen

Umthandazo emva kwesifundo:

Thixo othandekayo osezulwini.

Enkosi ngokusigcina sikhuselekile nokusivumela ukuba sive ibali elihle leBhayibhile.

Enkosi ngokusikhusela ngokusigcina sikhuselekile nakweyiphina ingozi.

Siyakucela sincede sisoloko sithobele umama notata nokuba sibe nobubele kumntu wonke esidinana naye. Siyakucela sincedise kumsebenzi wethu wasekhaya.

Sikelela iNtloko yethu yabaPostile, abaPostile nazo zonke iinkokheli, Siyakucela zigcine zikhuselekile xa zihamba ukuze zibenako ukusifundisa ngakumbi ngomsebezi wakho omkhulu, Thixo.

Siyakucela nceda bonke abantwana baKho, ngokukhethekileyo abo bagulayo nabo bangenakudla okanye indawo yokuzifihla.

Nceda ubuye kwamsinya usithabathele sonke ekhaya.

Sikucela konke oku, kungekuba sikusebenzele, kodwa egameni likaYesu. Amen